



Broj:01-19-586/23-7
Mostar:12.09.2023.godine

Na osnovu člana 100. stav 3. Zakona o javnim nabavkama („Službeni glasnik BiH“ broj:39/14 59/22), rješavajući po žalbi potencijalnog ponuđača „DERMAN COMPANY“ d.o.o. Zenica, ul. Envera Čerkeza br.65,72 000 Zenica, koga zastupa punomoćnik Adnan Hodžić, advokat iz Zenice, ul. Branilaca Bosne br.8, podnesenoj na tendersku dokumentaciju u postupku javne nabavke radova: Održavanje fasada u Historijskom urbanom krajoliku Mostara, objavljeno Obavještenje o nabavci broj:1235-7-3-18-3-10/23 od 08.09.2023.godine, direktor Agencije „Stari grad“, donosi

RJEŠENJE

1. Usvaja se žalba potencijalnog ponuđača „DERMAN COMPANY“ d.o.o. Zenica, ul. Envera Čerkeza br.65,72 000 Zenica koga zastupa punomoćnik Adnan Hodžić, advokat iz Zenice, izjavljena na tendersku dokumentaciju u postupku javne nabavke: Održavanje fasada u Historijskom urbanom krajoliku Mostara, Obavještenje o nabavci broj:1235-7-3-18-3-10/23 od 08.09.2023.godine.
2. Ovo rješenje je osnov za preduzimanje radnje ispravljanja od strane Ugovornog organa i izmjene u okviru tenderske dokumentacije broj:01-19-586/23-5 od 08.09.2023.godine.
3. Ugovorni organ će o preduzetoj radnji ispravke izmjenom tenderske dokumentacije putem portala javnih nabavki obavijestiti sve potencijalne učesnike o nastavku predmetnog postupka, te će ovo rješenje biti objavljeno i na web stranici Ugovornog organa.
4. Ovim rješenjem se ne rješava o troškovima postupka, ali ugovorni organ će donijeti poseban zaključak o troškovima postupka u roku od pet dana od dana prijema ovog rješenja od strane žalioca.

Rješenje stupa na snagu danom donošenja.

Obrazloženje:

Ugovorni organ Agencija "Stari grad" Mostar dana 08.09.2023. godine na Portalu javnih nabavki objavio je Obavještenje o nabavci broj: 1235-7-3-18-3-10/23 i tendersku dokumentaciju broj:01-19-586/23-5. Procijenjena vrijednost javne nabavke iznosi: 46.700,00 KM bez PDV-a.

U skladu sa članom 97., 99., 101., 105. i 108. Zakona o javnim nabavkama Bosne i Hercegovine ("Službeni glasnik Bosne i Hercegovine", broj:39/14 I 59/22) žalitelj po punomoćniku Adnan Hodžić advokatu iz Zenice, blagovremeno podnosi žalbu u zakonskom roku na tendersku dokumentaciju za javnu nabavku radova: Održavanje fasada u Historijskom urbanom krajoliku Mostara, broj: 01-19-586/23-5 obavljenu na Portalu javnih nabavki dana 08.09.2023. godine, koju je objavio ugovorni organ AGENCIJA „STARI GRAD“ MOSTAR.

Prije izlaganja činjeničnih navoda žalbe, žalitelj ističe da u cilju dokazivanja aktivne legitimacije, odnosno interesa za izjavljivanje žalbe, pored činjenica preuzimanja predmetne tenderske dokumentacije i time iskazanog interesa za dodjelu Ugovora o javnoj nabavci, iznosi i da je žalitelj registrovan za obavljanje djelatnosti koja je predmet nabavke, stoga se u prilogu žalbe dostavlja i kopija Aktuelnog izvoda iz sudskog registra za žalitelja, broj:043-0-RegZ-23-001469 od 24.05.



2023.godine ,iz kojeg su vidljive i dokazane navedene okolnosti. podnosi u svojstvu potencijalnog ponuđača u predmetnom postupku javne nabavke.

Žalitelj je dana 11.09.2023.godine preuzeo tendersku dokumentaciju za predmetnu nabavku ,te nakon pregleda i raazmatranja iste izjavljuje ovu žalbu ,blagovremeno najkasnije u roku od 5.dana od dana preuzimanja tenderske dokumentacije sve prema sljedećem sadržaju žalbe ,i to:

- Ugovorni organ povređuje Zakon o javnim nabavkama Bosne i Hercegovine i podzakonske akte, narušava prava ponuđača - žalitelja u predmetnoj tenderskoj dokumentaciji
- Tenderska dokumentacija sačinjena je suprotno odredbama Zakona o javnim nabavkama Bosne i Hercegovine (član 3. i član 54. st. 9. i 10.)

Ugovorni organ u obrascu za cijenu ponuda povređuje Zakon o javnim nabavkama Bosne i Hercegovine. U obrascu za cijenu ponude ugovorni organ traži proizvode: mineralna silikatna fasadna boja ROFIX PE 229 SOL SILIKAT (na više mjesta različit Ral) ... bez dodatka ili ekvivalenta i bez ostavljanja prostora da ponuđač ponudi ekvivalent.

Traženjem ovih proizvođača smatramo da je ugovorni organ povrijedio Zakon o javnim nabavkama Bosne i Hercegovine, tačnije odredbu člana 45. stav 9 i stav 10) koja glasi: „Osim ako nije opravdano predmetom nabavke, u tehničkoj specifikaciji ne smije se uputiti na određenog proizvođača, na porijeklo ili na poseban postupak, na marke, patente, tipove ili određeno porijeklo, ako bi se time pogodovalo ili bi se isključili određeni privredni subjekti ili određeni proizvodi. Takve napomene dopuštene su samo ako se predmet nabavke ne može dovoljno precizno i razumljivo opisati, ali se bez izuzetka moraju označiti sa dodatkom „ili ekvivalent“. Nepoznavanje predmeta nabavke ne oslobađa ugovorni organ za definisanje predmeta nabavke na stvarno konkurentskoj osnovi. (10) Ako se izuzetno objavi poziv za određeni proizvod sa dodatkom „ili ekvivalent“, ponuđač mora na za to predviđenim praznim mjestima, prema odgovarajućim stavkama, navesti podatke o proizvodu i tipu odgovarajućeg proizvoda koji nudi te, ako se to traži, i ostale podatke koji se odnose na taj proizvod. Kriterijumi mjerodavni za ocjenjivanje ekvivalentnosti navode se u opisu predmeta nabavke. Ponuđač je dužan da obezbijedi dokaz ekvivalentnosti u smislu ispunjenja zahtjeva vezano za predmet nabavke u skladu sa zahtjevima definisanim u tenderskoj dokumentaciji. Proizvodi koji su u tenderskoj dokumentaciji navedeni kao primjeri smatraju se ponuđenima ako ponuđač ne navede nikakve druge proizvode na predviđenom mjestu“.

Povrijedivši gore navedenu odredbu Ugovorni organ povrijedio je i odredbu člana 3. Zakona o javnim nabavkama Bosne i Hercegovine. Imajući u vidu navedenu odredbu, u konkretnom slučaju postupanje Ugovornog organa bi narušilo osnovne principe postupka javnih nabavki, a to su transparentnost, pravična i aktivna konkurencija, kao i jednako i nediskriminirajuće ponašanje prema svim kandidatima i ponuđačima u vezi s predmetom javne nabavke i njenom svrhom.

U konkretnom slučaju nesporno je da je došlo do povrede Zakona, stoga je isključena „mogućnost“ da žalitelj postavlja pitanja i traži pojašnjenja na portalu, iz razloga što se na portalu postavljaju



pitanja za pojašnjenje tenderske dokumentacije ali ne i traženje izmjene tenderske dokumentacije kada ugovorni organ povrijedi odredbe Zakona o javnim nabavkama Bosne i Hercegovine.

Slijedom prednje navedenog, tražimo da Ugovorni organ usvoji žalbu i izmijeni tendersku dokumentaciju, a radi provođenja zakonitog postupka javne nabavke, te da žalitelju nadoknadi troškove sastava žalbe u iznosu od 280,00 KM. Ukoliko Ugovorni organ ne prihvati žalbu kao osnovanu, zahtijevamo da se ista dostavi Uredu za razmatranje žalbi na odlučivanje, a ovaj organ nakon što istu uzme u razmatranje donese odluku kojom će poništiti ovaj postupak javne nabavke, uz obavezu da se žalitelju namire troškovi sastava žalbe po odluci Ureda za razmatranje žalbi.

Ugovorni organ je utvrdio da je žalba blagovremena, dopuštena i izjavljena od ovlaštenog lica i lica koje ima aktivnu legitimaciju i ona je u skladu sa članom 100. stav (3) Zakona o javnim nabavkama u cjelosti osnovana zbog čega Ugovorni organ Agencija "Stari grad" ovim rješenjem će izmijeniti Tendersku dokumentaciju (skraćeno TD) na portalu javnih nabavki, kako slijedi:

IZMJENA TD Br.: 01-19-586/23-5 od 08.09.2023. godine

Tačka 3.4.1. pod b) i c) mijenja se i glasi:

b) Spisak osoblja koje će biti angažovano na konkretnom projektu, minimalno: lica koja su odgovorna za izvođenje konkretnih radova moraju imati kvalifikacije i stručnu osposobljenost u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Sl. novine FBiH“, broj: 25a/22, 42/22 i 89/22). Također kandidat mora dokazati uposlenost navedenih lica, te njihove izjave da će biti raspoloživi tijekom implementacije predmetnih radova.

c) Ovjerenu izjavu o posjedovanju Ovlaštenja za obavljanje djelatnosti građenja/izvođenja radova kojim ponudač dokazuje da ispunjava uslove za obavljanje djelatnosti izvođenja radova zaštite, konzervacije i rehabilitacije nacionalnih spomenika izdano od strane Federalnog ministarstva prostornog uređenja na osnovu člana.67. stav (5) i člana 81. stav (1). Uredbe o uređenju gradilišta, obaveznoj dokumentaciji na gradilištu i učesnicima u građenju („Sl. novine FBiH“, broj; 25a/22, 42/22 i 89/22).

Tačka 4.6.2. mijenja se i glasi:

Rok za dostavljanje ponuda je **četvrtak, 28.09.2023. godine do 12.00 sati.**

Tačka 4.7.1. mijenja se i glasi:

Javno otvaranje ponuda će se održati **u četvrtak, 28.09.2023. godine u 12.15 sati**, u prostorijama ugovornog tijela Agencije „Stari grad“, adresa Ul. Maršala Tita 170, 88000 Mostar, II kat.



ANEKS 3 – PREDMJER RADOVA mijenja se i glasi:
OBJEKAT broj 43 u području A1
FASADERSKI RADOVI

Red. broj	Opis pozicije radova	Jed. mjere	Količina	Jed. cijena	Ukupno (KM)
1	Montaža i demontaža fasadne skele, uz prethodnu demontažu postojeće nadstrešnice, koja će se na kraju ponovo montirati i završno čišćenje.	m ²	85,00		
2	Bojenje fasade mineralnom silikatnom fasadnom bojom <i>RÖFIX PE 229 SOL SILIKAT ili ekvivalent</i> , u tonu približnom RAL 9001 ili ekvivalent, 2x sa impregnacijom i temeljitim sušenjem između nanošenja pojedinih premaza. Obračun po m ²	m ²	75,00		
3	Bojenje zaštitnih dvokrilnih poklopaca vrata dimenzija 170x100 cm obostrano uz prethodno struganje oksidiranog sloja i minimiziranje. Oštećenja na poklopcima varenjem sanirati prethodno farbanju. Završni sloj je matiran. Boja po uzoru na postojeće stanje. Obračun po kom.	Kom.	2,00		
4	Bojenje zaštitnog dvokrilnog poklopaca vrata dimenzija 280x160 cm obostrano uz prethodno struganje oksidiranog sloja i minimiziranje. Završni sloj je matiran. Boja po uzoru na postojeće stanje. Obračun po kom.	Kom.	1,00		
	UKUPNA VRIJEDNOST RADOVA bez PDVa :				
	Vrijednost PDVa (17 %) :				
	SVEUKUPNA VRIJEDNOST RADOVA sa PDVom :				



OBJEKAT broj 44 u području A1
FASADERSKI RADOVI

Red. broj	Opis pozicije radova	Jed. mjere	Količina	Jed. cijena	Ukupno (KM)
1	Montaža i demontaža fasadne skele, uz prethodnu demontažu postojećih nadstrešnica, koje će se na kraju ponovo montirati i završno čišćenje.	m ²	100,00		
2	Bojenje fasade mineralnom silikatnom fasadnom bojom <i>RÖFIX PE 229 SOL SILIKAT</i> ili <i>ekvivalent</i> , u tonu približnom RAL 3013 ili <i>ekvivalent</i> , 2x sa impregnacijom i temeljitim sušenjem između nanošenja pojedinih premaza. Obračun po m ²	m ²	75,00		
3	Bojenje zaštitnih dvokrilnih prozorskih poklopaca obostrano uz prethodno struganje oksidiranog sloja i minimiziranje. Završni sloj je matiran. Boja po uzoru na postojeće stanje. Obračun po kom	Kom.	4,00		
4	Bojenje zaštitnog jednokrlnog poklopca vrata obostrano uz prethodno struganje oksidiranog sloja i minimiziranje. Završni sloj je matiran. Boja po uzoru na postojeće stanje. Obračun po kom.	Kom.	1,00		
5	Bojenje zaštitnih dvokrilnih poklopaca vrata dimenzija obostrano uz prethodno struganje oksidiranog sloja i minimiziranje. Završni sloj je matiran. Boja po uzoru na postojeće stanje. Obračun po kom.	Kom.	3,00		
	UKUPNA VRIJEDNOST RADOVA bez PDVa :				
	Vrijednost PDVa (17 %) :				
	SVEUKUPNA VRIJEDNOST RADOVA sa PDVom :				



OBJEKAT broj 46 u području A1
FASADERSKI RADOVI

Red. broj	Opis pozicije radova	Jed. mjere	Količina	Jed. cijena	Ukupno (KM)
1	Montaža i demontaža fasadne skele	m ²	15,00		
2	Uklanjanje vegetacije uz fasadu objekta, utovar i odvoz na lokalnu deponiju	paušal			
3	Bojenje drvenih čepenaka sadolinom i bezbojnim lakom. Obračun po m ² .	m ²	13,50		
4	Bojenje fasade mineralnom silikatnom fasadnom bojom <i>RÖFLX PE 229 SOL SILIKAT</i> ili <i>ekvivalent</i> , u tonu približnom RAL 9001 ili ekvivalent, 2x sa impregnacijom i temeljitim sušenjem između nanošenja pojedinih premaza. Obračun po m ² .	m ²	3,00		
	UKUPNA VRIJEDNOST RADOVA bez PDVa :				
	Vrijednost PDVa (17 %) :				
	SVEUKUPNA VRIJEDNOST RADOVA sa PDVom :				

U predmetnoj žalbi postavljen je i zahtjev žalitelja po punomoćniku /advokatu Adnan Hodžić iz Zenice za naknadu troškova žalbenog postupka u iznosu od 280,00 KM. Ugovorni organ je odlučio da u ovom rješenju ne odluči o tom zahtjevu, ali je u tački 4. dispozitiva ovog rješenja naveo da će o troškovima postupka donijeti poseban zaključak, kojim će odlučiti o troškovima sastava žalbe u ovom predmetu.

Objavom izmjene tenderske dokumentacije svi potencijalni ponuđači/kandidati će biti obavješteni o nastavku postupka konkurentskog zahtjeva za dostavljanje ponuda sa namjerom provođenja e-aukcije za radove: Održavanje fasada u Historijskom urbanom krajoliku Mostara.

Na osnovu izloženog a u skladu sa članom 100. stav 3. Zakona o javnim nabavkama („Službeni glasnik BiH“, broj: 39/14 i 59/22) i odlučeno je od strane ugovornog organa kao u dispozitivu ovog rješenja.



Pouka o pravnom lijeku:

Protiv ovog rješenja može se izjaviti žalba Uredu za razmatranje žalbi u Mostaru ,u roku od pet(5)dana od dana prijema rješenja,putem Agencije"Stari grad",Ul.M. Tita 170,88 000Mostar. Žalba se podnosi u tri primjerka.

Dostaviti:

- Punomoćniku žalitelja
advokat Adnan Hodžić,
ul. Branilaca Bosne br.8,72 000 Zenica
- Ponudačima
- U spis
- a/a



Direktor:

Miralem Fajić, dipl. pravnik